

Enformaziuns y Comunicaziuns

Oraziun: En dedôlönesc ai 15 de dezëmbër ales 20:00 s'encunta te salf de calogna basete le grup de oraziun con signor Sepl Granruaz. Düc é bënödüs.

Sontada: Le Consëi de Ploania s'endüna en dedemesaledema ai 16 de dezëmbër dôrorate, te salf de calogna.

Trëi Rêsc: L'Aziun dai Trëi Rêsc 2016 gnará motüda da jí le lõnesc y dedôlönesc ai 4 y 5 de jená 2016. Les porsones co s'á motü a desposiziun da acompagné i mituns, s'encunta en jöbia ai 17 de dezëmbër ales 19:00 te calogna, por partí sò les strades y tlarí domandes eventuales. Iolan a düc chi co dëida endô empara.

La Fede tai Libri: Sòn plata dla ploania dancá podarëise ciáfë tal dagní na lerch dedicada ala "Fede tai libri". Al gnará porté de pici toc fora de libri desvalis, co dess ince ester na motivaziun da lí enstësc le liber. Sce valgügn de os lí o á lit en bel liber de fede che al oress partí con la comunité, podunse ienn reporté valgügn ponsiers. I metun man con la Enciclica Laudato Si' de Papa Francësch, co s'acompagnarà val' edema. Le liber provochëia te nos la domanda: "Ci monn orunse pa ti sorandé a nüsç mituns?". Chi co oress la lí, ciafa la Enciclica da cumpré jödapë de dlijia al prisc de 2,50€.

Oies: Cors, grups de ciantadus o musizisç é dër bënödüs ince a Oies a abelí les mësses dla sabeda ales 16:00. Chi co foss a desposiziun da cianté o soné ia por l'ann pó s'anunzié pa Stefan Piccolruaz al 339 1529540. Al vën ince lascé alessëi che vigne pröm vëndres dal mëns ales 20:00 vëgnel tigní te capela da Oies na adoraziun eucaristica. Se pissié pón vigne de dan o do les mësses.

Conzert/1: En dedemesaledema ai 16 de dezëmbër ales 18:00 él te dlijia de Badia en conzert da Nadé con scholars dla Scora de Musiga Val Badia. Düc é enviés.

Conzert/2: En sabeda ai 19 de dezëmbër ales 17:00 él te salf dal Istitut Ladin a San Martin le conzert "Lominus y ligrëza dl Nadé". Al sona l'Orchestra Val Badia con l'orchestra jonila, en cor dla Scora de Musiga y le grup "Mamblix". Danterete gnará proieté imajes y ponsiers de meditaziun.

Conzert/3: En domëgna ai 20 de dezëmbër ales 20:00 él te nosta dlijia en conzert con Angela Palfrader (vidora) y Renzo Huber (orgo). Al vën soné musighes de J.S. Bach.

Mostra: Cösta domëgna ai 13 de dezëmbër dales 10:00 ales 18:00 él tal Michael Pacher Haus a Bornech na mostra da Nadé motüda da jí dales patrones dal raiun de Puster. Al vën pité en sorvisc da ciaré sora mituns, al gnará fat biscoti y mostré de bi laurs fac dales patrones enstësses.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dedemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o ince www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann C

13.12.2015 - Terza Domëgna d'Advënt - Gaudete

nr. 3

Al nen vën önn co é plü sterch!



Dal Vagnele do San Luca 3, 10 - 18

¹⁰Te chël tomp èl la jont co damanâ Jan Batista: Ci dessun pa spo fá? ¹¹Al ti á rospognü: Chël co á dui guanc, ti an dáí önn a chël co ne n'á degügn, y chël co á da mangé, feji ince ensciö. ¹²Al gnea ince publicans a se lascé bacé y damanâ: Maester, ci dessun pa nos fá? ¹³Al ti á dit: N'orede ieré deplü co ch'al n'é scrit dant. ¹⁴Ince soldas damanâ: Ci dessun pa nos fá? Y al ti á dit: N'orede maltraté degügn, n'orede recaté degügn, acontentesse con osc paiamont! ¹⁵Le popul ea plën de aspetanza, y tal chît se damanâ düc, sce Jan ne n'ea nia forsc enstës le Messia. ¹⁶Mo Jan ti dea a düc la risposta: lu ves bacëii con ega. Mo al nen vën önn co é plü sterch co iu, y iu ne sun nia dëgn da ti dejciolé i cialzá. Èl ves baciará con Spirit Sant y con fù. **Parora dal Signur. - Lalt a te, Gejú Crist!**



La Fede tai Libri

dala Enciclica "Laudato Si'" de Papa Francësch

13. "La sfida urgente di proteggere la nostra casa comune comprende la preoccupazione di unire tutta la famiglia umana nella ricerca di uno sviluppo sostenibile e integrale, poiché sappiamo che le cose possono cambiare. (...) L'umanità ha ancora la capacità di collaborare per costruire la nostra casa comune. (...) I giovani esigono da noi un cambiamento. Essi si domandano com'è possibile che si pretenda di costruire un futuro migliore senza pensare alla crisi ambientale e alle sofferenze degli esclusi."



Calënder d'Advënt particol- lar: Ciuchelada por l'anima

- Tomp por se enstësc
- Tomp por le proscimo
- Tomp por Chël Bel Dio

Domëgna: 13.12.: III. Domëgna d'Advent: Gaudete

Oferta d'Advënt por la Diozeja

8.30: *Rorate a La Pli*

9.00: **Proa dal cor de dljia**

10.00: **Ingres dai Sorvidusc – Ministronc' nös**
Rorate por i voluntars dla Ploania
y prei co á laoré y laora tal Decanat (Cor de dljia)
i ministronc' nös vëgn tuc' sò tal Sorvisc

N.B.:

14.00: **Funziun dal Bato: Aaron Erlacher**

18.00: S.M. por +nc' dla Fam.Franz Call Almhof Call

S.M. por +nc' de Federa Marta

S.M. por +nc' Angelo y Marianna Call de Iosc

S.M. por +nt Pire Erlacher de Corcela

S.M. por +nta Comploi Iudita Mantëna

S.M. por +nt Bonifazio Oberbacher dal Lehrer

Lön. 14.12: Mem. De S.Jan dla Crusc: Sa.Franziska, S.Berthold

19.30: **Rorate por la Scora de Musiga**

(Scora de Musiga)

Dédol. 15.12: Feria dla 3. edema d'advënt: Sa.Cristiana, Sa.Nina

Oraziun d'advënt te familia

Dédem.16.12 Feria dla 3. edema d'advënt: Sa.Adelheid, S.David

19.30: **Rorate por +nc' Lidia Flöss Agreiter y Vijo Agreiter**

(Senioren)

Jöbia 17.12: Feria dla 3. edema "O" antif. d'advënt: Sa.Iolanda

Oraziun comunitaria te familia

Vëndr.18.12.: Feria dla 3. edema "O" antif. d'advënt: S.Filip

19.30: **Rorate por le Cor de Dljia** (Cor de Dljia)

Sancta Maria in sabato tempus adventi: S.Pire

Sab.19.12.: 15.00: Pissia por la scora elementara

N.B.: 16.00: Pissia por la scora mesana

17.00: **Poscibilitè da se pissiè**

18.00: **Rorate por +nta Albina Palfrader Basso** (Mosaic)

19.30: *Rorate a La Pli*

Domëgna 20.12: IV. Domëgna d'Advent: Rorate

8.30: *Rorate a La Pli*

9.30: **Oraziun dla domëgna**

10.00: **Rorate por le Consorzio dal ega** (Quartett de musiga)

18.00: S.M. por +nc' Ties Franz y Erna Ritterkeller

S.M. aniv. por +nt Coppola Vittorio

S.M. por +nt Fighile Obojes dal Craizer

S.M. por +nta Federa Maria

S.M. por +nc' Piera y Tino

S.M. por +nc' Marcellina y Giovanni



La comunité d'Al Plan ti aoda
döt le bun, sanité y benedisciun ai geniturs
Armin Erlacher y Federica Gentilini
por le Bato de picio **AARON.**

3^ domëgna d'Advënt

Jan Batista mo cherda ala conversciun: a tó me y mia vita söle scerio.

Ci che al damana da me, n'é nia tan rio, n'é nia demassa.

Ciódì le feji pa spo tan enré?

L'ADVÈNT É EN TRU VERSCIO BETLEHEM.

NES LASCIUN ATRÁ DAL LOMINUS

DE NOSC SIGNUR, DEVENTÉ PORSONA.

(Papa Francësch)

Meditaziun

*"Te vigne porsona, sides ince la plü sleta,
stäl ascognü na perla de Chëlbeldio."*

Gejú baiâ gonot de perles,
mo al ne minâ nia perles da vignedé,
al ponsâ a perles prezioses,
co lomina tles animes imortales.

Y propi chëres co ea tomades tal paltan chirile,

porciódì che perla romagn perla,

ince sce la pazité ne lascia nia plü tarlié so lominus.

Al sâ, tan saorì che la meseria umana lascia tomé la perla tla pazité y tal
scich.

Porchël,

con en cör plëgn d'amur y de misericordia,

i val do ala biescia pordüda,

aspétal da bun pere al fi pordü,

por fá festa ch'an l'á endô ciafé.

Al dij: "Sòn paraisc fejon na majera festa

por en picia dü co fej penitonza

co por nonantenö iüsc, co ne s'á

mai destaché dla ciasa dal Pere."

Les animes é perles;

ince la tóa é òna!

Y sc'ara é corida dal stöp dal monn,

vá y láela jö con le sanch dal Fi de Dio,


y ara lominará endô bela, lominosa,

tla grazia dal Signur.

(Laldun le Signur)



**Dritter Advent:
Liebe**



Sorvisc dai Ministronc'

Lönesc 14/12 (19:30h), Dédemesaledema 16/12 (19:30h), Vëndres 18/12

(19:30h): Stefan y Thomas Palfrader;

Sabeda 19/12 (18:00h): Alessia, Claudia, Susan y Matthias Kaneider, Roman
y Thomas Oberlechner;

Domëgna 20/12 (10:00h): Artur, Karoline y Herbert Piazza, Lisa Maneschg,
Luiana y Moltina Clara;

Domëgna 20/12 (18:00h): Daniel y Simon Comploi, André Castlunger, Paul
Trebo, Linda y Max Clara;

